



KRIMINALNA MREŽA

Nadležna tužilaštva godinama vode istragu

Kako su Lijanovići godinama varali državu

Sumnjiče se za organizirani kriminal, pranje novca, utaja poreza, carinske prevare...


Akcija kodnog naziva „Meso“ na terenu se počela provoditi još u ljeto prošle godine, kada su pripadnici Državne agencije za istrage i zaštitu (SIPA), po naredbama Suda i Tužilaštva BiH, počeli privremeno izuzimati dokumentaciju od više osoba koje se dovode u vezu s nekoliko krivičnih djela, uključujući i pranje novca u iznosu od oko 11 miliona KM.

Među njima je bio i federalni ministar poljoprivrede, vodoprivrede i šumarstva Jerko Ivanković Lijanović (NSRzB).

Oštećena država

U julu prošle godine pripadnici SIPA-e pretresli su prostorije kompanije „Lijanovići“ u Širokom Brijegu te ured ministra Lijanovića u Vladi FBiH. Aktuelni ministar poljoprivrede većinski je vlasnik kompanije „Lijanovići“.

„Avaz“ je proteklih godina kontinuirano izvještavao o policijskim i tužilačkim istragama koje su vođene protiv Lijanovića. Tako smo ekskluzivno objavili i zajedničku shemu istražitelja Uprave za indirektno oporezivanje (UIO) i SIPA-e koja svjedoči



Shema istražitelja koje pokazuju krake organiziranog kriminala u vezi s utajom poreza

o organiziranom kriminalu kompanija koje su bile uvezane s Lijanovićima. Shema dokazuje da postoji sumnja u postojanje organiziranog kriminala te da je država oštećena za 72.928.550 KM.

Uprava za indirektno oporezivanje, naime, još

2011. prijavila je Lijanoviće zbog utaje PDV-a od skoro pet miliona KM. Za taj slučaj formiran je i specijalni tim sastavljen od predstavnika UIO, SIPA-e i Granične policije (GP) BiH, a u istragu je bila uključena i Federalna uprava policije (FUP).

Prédmet o utaji poreza vodi se u Tužilaštvu BiH te se nalazi u podmakloj fazi. Glavni osumnjičeni za organiziranje grupe za prevare, koja je putem povezanih firmi utajila ili pogrešno prikazivala iznose za povrat PDV-a, jesu braća Stavo i Jerko Ivanković Lijanović.

Osobe koje su bile

ovlaštene u firmama koje su Lijanovići uvezali u shemu terete se za utaju poreza, prevare u povratu PDV-a, carinske prevare i niz drugih djela iz oblasti privrednog i organiziranog kriminala. U tom dijelu istrage otkriveno je da su porez utajivale i firme „Farmer“ iz Širokog Brijega, MI-MO iz Mostara i još nekoliko preduzeća koja su u vlasništvu ili su povezana s kompanijom „Lijanovići“.

U Tužilaštvu BiH nalazi se i krivična prijava Uprave „Hypo banke“ protiv Lijanovića zbog počinjene prevare pri dobivanju kredita. Kako se tvrdi u prijavi, Lijanovići su

prevare, korupcijom i davanjem mita oštetili „Hypo banku“ za 64 miliona KM, koliko iznose loši krediti plasirani širokobriješkoj porodici.

Osnovao grupu

U Tužilaštvu KS se vodi i istraga protiv Lijanovića na osnovu krivične prijave koju je u maju prošle godine podnijela Federalna uprava policije. Istražitelji FUP-a utvrdili su da je Jerko Ivanković Lijanović osnovao grupu za organiziranje kriminala kojoj je pristupilo 56 osoba iz FBiH. Ova grupa je oštetila budžet za 2.999.200 KM, navodi se u prijavi FUP-a. **A. DUCIĆ**

Prevare birača

Grupa koju je osnovao Jerko Lijanović, kako se navodi u prijavi, osumnjičena je da je na nezakonit način, podmičivanjem birača i korištenjem teške imovinske situacije, utjecala na odlučiva-

nje birača na općim izborima održanim u oktobru 2010.

Grupa predvođena Lijanovićem počinila je zloupotrebu položaja, povrijedila slobodu odlučivanja birača i krivotvorila isprave.